



ქალაქ თბილისის მუნიციპალიტეტის საკრებულო



ბ ა ნ კ ა რ ბ უ ლ ე ბ ა № 443

22 სექტემბერი
“ --- ” ----- 2023 წ

ძ. თბილისი

ქ. თბილისში, დიდ ლილოში, მშვიდობის ქ. №1-ში მდებარე უძრავი ქონების (საკადასტრო კოდი: №81.08.29.180; №81.08.35.238; №81.08.35.239) პირდაპირი განკარგვის ფორმით პრივატიზების საკითხის შეთანხმების თაობაზე

საქართველოს ორგანული კანონის - „ადგილობრივი თვითმმართველობის კოდექსი“ მე-16 მუხლის მე-2 პუნქტის „ბ“ ქვეპუნქტის, 61-ე მუხლის მე-2 პუნქტის, 118¹ მუხლის პირველი და მე-3 პუნქტების, „ქ. თბილისის მუნიციპალიტეტის საკუთრებაში არსებული ქონების პირდაპირი განკარგვის ფორმით პრივატიზების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 12 აგვისტოს №21-85 დადგენილებით დამტკიცებული წესის პირველი მუხლის მე-3 პუნქტის, მე-2 მუხლის პირველი და მე-6 პუნქტების შესაბამისად, ქალაქ თბილისის მუნიციპალიტეტის საკრებულომ დაადგინა:

1. მიეცეს თანხმობა ქალაქ თბილისის მუნიციპალიტეტის მთავრობას „ქალაქ თბილისში, დიდ ლილოში, მშვიდობის ქ. №1-ში მდებარე უძრავი ქონების (საკადასტრო კოდები: №81.08.29.180; №81.08.35.238; №81.08.35.239) პირდაპირი განკარგვის ფორმით პრივატიზების თაობაზე“ ქალაქ თბილისის მუნიციპალიტეტის მთავრობის 2023 წლის 6 სექტემბრის №23.1314.1455 განკარგულებით გათვალისწინებული უძრავი ქონების: ქ. თბილისში, დიდ ლილოში, მშვიდობის ქ. №1-ში მდებარე 26233 კვ.მ. მიწის ნაკვეთის და მასზე განთავსებული №1 და №2 შენობა-ნაგებობების (საკადასტრო კოდი: №81.08.29.180); ქ. თბილისში, დიდ ლილოში, მშვიდობის ქ. №1-ის მიმდებარედ არსებული 7319 კვ.მ. მიწის ნაკვეთის (საკადასტრო კოდი: №81.08.35.238); ქ. თბილისში, დიდ ლილოში, მშვიდობის ქ. №1-ის მიმდებარედ არსებული 6634 კვ.მ. მიწის ნაკვეთის (საკადასტრო კოდი: №81.08.35.239) პირდაპირი განკარგვის ფორმით პრივატიზებით, ა(ა)იპ - საქართველოს რაგბის კავშირისთვის (ს/ნ: 204874911) სიმბოლურ ფასად - 1 (ერთი) ლარად საკუთრებაში გადაცემაზე, ზემოაღნიშნული განკარგულების დანართით წარმოდგენილი ხელშეკრულების პროექტის შესაბამისად.

2. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64), კანონმდებლობით დადგენილი წესით.

ქალაქ თბილისის მუნიციპალიტეტის
საკრებულოს თავმჯდომარე

გიორგი ტყემალაძე

ხელშეკრულება
უძრავი ქონების პირდაპირი განკარგვის ფორმით პრივატიზების შესახებ

ქ. თბილისი

[●] 2023 წ.

მუხლი 1. ხელშეკრულების მხარეები და პრივატიზების საგანი

- 1.1. საქართველოს ორგანული კანონის „ადგილობრივი თვითმმართველობის კოდექსის“ 118¹ მუხლის მე-3 პუნქტის შესაბამისად, ქალაქ თბილისის მუნიციპალიტეტის მთავრობის [●] განკარგულების და ქალაქ თბილისის მუნიციპალიტეტის საკრებულოს [●] განკარგულების საფუძველზე, ამ ხელშეკრულების მხარეები: ერთის მხრივ, ქალაქ თბილისის მუნიციპალიტეტის მთავრობის სახელით სსიპ - ქონების მართვის სააგენტო (შემდგომში - „სააგენტო“, მის. ქ. თბილისი, შარტავას ქ. N7, წარმოდგენილი [●] მიერ - პ/ნ: [●]) და მეორეს მხრივ, ააიპ - საქართველოს რაგბის კავშირი (შემდგომში - „ქონების შემძენი“, ს/ნ: 204874911; მის: ქ. თბილისი, ჭაბუა ამირეჯიბის გზატ. N6, ნიშნული 6.00, საოფისე ფართი N3; წარმოდგენილი [●] მიერ - პ/ნ: [●]), ვაფორმებთ ქ. თბილისის მუნიციპალიტეტის ქონების პირდაპირი განკარგვის ფორმით პრივატიზების ხელშეკრულებას (შემდგომში - „ხელშეკრულება“) შემდეგზე:
- 1.2. ამ ხელშეკრულებით, სააგენტო საპრივატიზებო პირობებით საკუთრებაში გადასცემს ქონების შემძენს ქალაქ თბილისის მუნიციპალიტეტის საკუთრებაში არსებულ უძრავ ქონებას (შემდგომში „პრივატიზების საგანი“):
 - 1.2.1. ქ. თბილისში, დიდ ლილოში, მშვიდობის ქ. N1-ში მდებარე 26233 კვ.მ. მიწის ნაკვეთს და მასზე განთავსებულ N1 და N2 შენობა-ნაგებობებს (საკადასტრო კოდი: N81.08.29.180);
უძრავი ქონების მახასიათებლები განსაზღვრულია საჯარო რეესტრიდან ამონაწერით: განცხადების რეგისტრაციის ნომერი: N[●] – მომზადების თარიღი [●]
 - 1.2.2. ქ. თბილისში, დიდ ლილოში, მშვიდობის ქ. N1-ის მიმდებარედ არსებულ 7319 კვ.მ. მიწის ნაკვეთს (საკადასტრო კოდი: N81.08.35.238);
უძრავი ქონების მახასიათებლები განსაზღვრულია საჯარო რეესტრიდან ამონაწერით: განცხადების რეგისტრაციის ნომერი: N[●] – მომზადების თარიღი [●]
 - 1.2.3. ქ. თბილისში, დიდ ლილოში, მშვიდობის ქ. N1-ის მიმდებარედ არსებულ 6634 კვ.მ. მიწის ნაკვეთს (საკადასტრო კოდი: N81.08.35.239)
უძრავი ქონების მახასიათებლები განსაზღვრულია საჯარო რეესტრიდან ამონაწერით: განცხადების რეგისტრაციის ნომერი: N[●] – მომზადების თარიღი [●]

მუხლი 2. საპრივატიზებო საფასური

მისი გადახდის წესი და გადახდის პირობები

- 2.1. საპრივატიზებო საფასურად განისაზღვრა სიმბოლური ფასი - 1 (ერთი) ლარი.
- 2.2. საპრივატიზებო საფასურის გადახდა უნდა განხორციელდეს ამ ხელშეკრულების გაფორმებიდან ერთი თვის ვადაში.
- 2.3. საპრივატიზებო საფასურის გადახდა უნდა განხორციელდეს შემდეგ საბანკო ანგარიშზე თანხის ჩარიცხვის გზით:
მიმღები: სახელმწიფო ხაზინა TRESGE22
სახაზინო კოდი: 300773390
დანიშნულება: არასასოფლო-სამეურნეო მიწის ნაკვეთების გაყიდვიდან

მუხლი 3. საპრივატიზებო პირობები

- 3.1. პრივატიზებული უძრავი ქონების ტერიტორიაზე არანაკლებ 2000 (ორი ათასი) მაყურებელზე გათვლილი რაგბის მოედნისა და შესაბამისი სარაგბო ინფრასტრუქტურის მშენებლობა, მოწყობა და კანონმდებლობით გათვალისწინებული წესით, ექსპლუატაციაში მიღება (კანონმდებლობის მოთხოვნების შესაბამისად, ასეთის საჭიროების შემთხვევაში), 2025 წლის 31 დეკემბრამდე.
- 3.2. პრივატიზებული უძრავი ქონების ტერიტორიის ფუნქციონირება მხოლოდ სპორტული დანიშნულებით და ტერიტორიაზე სპორტული პროფილის მუდმივად შენარჩუნება.

მუხლი 4. საკუთრების უფლების გადაცემა

ქონების შემძენს, პრივატიზების საგანზე საკუთრების უფლება გადაეცემა საკუთრების უფლების საჯარო რეესტრში რეგისტრაციის მომენტიდან, საპრივატიზებო პირობებით. მისი საკუთრების უფლების საჯარო რეესტრში რეგისტრაციის მიზნით, ამ ხელშეკრულების გარდა, სარეგისტრაციო სამსახურს უნდა წარედგინოს საკუთრების დამადასტურებელი მოწმობა.

მუხლი 5. მხარეთა განცხადებები და ვალდებულებები

- 5.1. სააგენტო აცხადებს, რომ პრივატიზების საგანი ხელშეკრულების დადების მომენტისთვის წარმოადგენს ქალაქ თბილისის მუნიციპალიტეტის საკუთრებას. ქონება არ არის იპოთეკით დატვირთული, არ არის დაყადაღებული.
- 5.2. ხელშეკრულების მხარეები აცხადებენ, რომ პრივატიზების საგნის ხარისხი შეთანხმებულია მათ შორის.
- 5.3. სააგენტო ვალდებულია, საპრივატიზებო საფასურის გადახდის დადასტურების შემდგომ, დადგენილი მოთხოვნების გათვალისწინებით გასცეს საკუთრების დამადასტურებელი მოწმობა პრივატიზების საგანზე.
- 5.4. საკუთრების დამადასტურებელი მოწმობა გაიცემა საპრივატიზებო პირობების შესრულების ვალდებულებით, შემდეგი ჩანაწერით: „ქონება შეძენილია საპრივატიზებო პირობებით“.
- 5.5. ქონების შემძენი ვალდებულია, უზრუნველყოს პრივატიზების საგანზე საკუთრების უფლების რეგისტრაცია საკუთრების დამადასტურებელი მოწმობის გაცემისთანავე, გონივრულ ვადაში.
- 5.6. პრივატიზების საგანზე ქონების შემძენის საკუთრების უფლების საჯარო რეესტრში რეგისტრაციასთან დაკავშირებულ ხარჯებს უზრუნველყოფს ქონების შემძენი.
- 5.7. პრივატიზების საგანზე ქონების შემძენის საკუთრების უფლების საჯარო რეესტრში რეგისტრაციისას, საპრივატიზებო პირობები ვალდებულებად დარეგისტრირდება საჯარო რეესტრში და შესაბამის საჯარო რეესტრის ამონაწერში აისახება შემდეგი ჩანაწერი: „ქონება შეძენილია საპრივატიზებო პირობებით“.
- 5.8. ქონების შემძენი ვალდებულია, საკუთრებაში გადაცემული ქონების (პრივატიზების საგანი) შემდგომი გამოყენებისას და განვითარებისას დაიცვას და გაითვალისწინოს კანონმდებლობით განსაზღვრული და უფლებამოსილი ორგანოების მიერ დადგენილი მოთხოვნები.
- 5.9. ხელშეკრულების მოქმედების პერიოდში, ქონების შემძენი ვალდებულია, სააგენტოს მოთხოვნის შემთხვევაში, სააგენტოს მიერ განსაზღვრულ ვადაში წერილობით წარუდგინოს ინფორმაცია საპრივატიზებო პირობების და ხელშეკრულებით ნაკისრი სხვა ვალდებულებების შესრულების თაობაზე. ქონების შემძენი ვალდებულია, სააგენტოს ხელი შეუწყოს პრივატიზების საგნის ტერიტორიაზე საპრივატიზებო

პირობების შესრულების მიმდინარეობის დოკუმენტური და ვიზუალური მონიტორინგის შეუფერხებლად განხორციელებაში.

- 5.10. საპრივატიზებო საფასურის გადახდამდე და საპრივატიზებო პირობების შესრულების დადასტურებამდე, ქონების შემძენს არ აქვს უფლება, სააგენტოს თანხმობის გარეშე გაასხვისოს, გასცეს სარგებლობის უფლებით ან სხვაგვარად უფლებრივად (მათ შორის - იპოთეკით) დატვირთოს პრივატიზების საგანი. ამასთან, იგი პასუხისმგებელია შემძენილი ქონების მოვლა-პატრონობაზე და დაცვაზე.
- 5.11. პრივატიზების საგნის (ან მისი გამოჯგენის შედეგად, ან სხვა უძრავ ქონებასთან გაერთიანების შედეგად წარმოქმნილი უძრავი ქონების) გასხვისების შემთხვევაში, ქონების შემძენი ვალდებულია, უძრავი ქონება ახალ მესაკუთრეზე გაასხვისოს იგივე საპრივატიზებო პირობებით და ვალდებულებებით, რაც გათვალისწინებულია ამ ხელშეკრულებით (უძრავი ქონების გასხვისებამდე, ქონების შემძენმა წინასწარ უნდა გააცნოს ეს ხელშეკრულება მომავალ მესაკუთრედ განხილულ პირს). უძრავი ქონების გასხვისების შესახებ წერილობით უნდა ეცნობოს სააგენტოს.
- 5.12. ქონების შემძენს უფლება არ აქვს, საპრივატიზებო პირობების შესრულების მიზნით, სააგენტოს თანხმობის გარეშე იპოთეკით ან გირავნობით დატვირთოს პრივატიზების საგანი.
- 5.13. საპრივატიზებო პირობების შესრულება დადასტურებულად ჩაითვლება სააგენტოს მიერ დადასტურების შემთხვევაში.
- 5.14. ხელშეკრულების 3.1 პუნქტით განსაზღვრული საპრივატიზებო პირობის შესრულების დასადასტურებლად, ქონების შემძენმა სააგენტოს უნდა წარუდგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სააგენტოსთან წინასწარ წერილობით შეთანხმებული, კანონმდებლობით გათვალისწინებული წესით აკრედიტირებული სხვა აუდიტორის/აუდიტორული კომპანიის/ექსპერტის მიერ გაცემული შესაბამისი დასკვნა, აღნიშნული საპრივატიზებო პირობის შესრულების შესახებ. იმ შემთხვევაში, თუ 3.1 პუნქტით განსაზღვრული ინფრასტრუქტურა, კანონმდებლობის მოთხოვნათა შესაბამისად, საჭიროებს ექსპლუატაციაში მიღებას, 3.1 პუნქტით გათვალისწინებული ვალდებულების შესრულების დასადასტურებლად, შესაბამისი ინფრასტრუქტურის ნაწილში საკმარისია შესაბამისი ადმინისტრაციული ორგანოს მიერ, კანონმდებლობით გათვალისწინებული წესით გამოცემული, ექსპლუატაციაში მიღების დამდასტურებელი დოკუმენტის (აქტის) ქონების შემძენის მიერ სააგენტოსთვის წარდგენა და ასეთი ინფრასტრუქტურის ნაწილში აღარ მოითხოვება საექსპერტო/აუდიტორული დასკვნის წარდგენა.
- 5.15. ხელშეკრულების 3.2 პუნქტით განსაზღვრული საპრივატიზებო პირობის შესრულებასთან დაკავშირებით, ქონების შემძენმა სააგენტოს პერიოდულად (ან სააგენტოს მოთხოვნის შესაბამისად) უნდა წარუდგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სააგენტოსთან წინასწარ წერილობით შეთანხმებული, კანონმდებლობით გათვალისწინებული წესით აკრედიტირებული სხვა აუდიტორის, აუდიტორული კომპანიის/ექსპერტის მიერ გაცემული შესაბამისი დასკვნა, დასკვნაში მითითებული დროის მომენტისთვის პრივატიზების საგნის ტერიტორიაზე აღნიშნული საპრივატიზებო პირობის შესრულების მდგომარეობის შესახებ.
- 5.16. ხელშეკრულების 3.1 პუნქტით გათვალისწინებული საპრივატიზებო პირობის შესრულებისა და სააგენტოს მიერ შესაბამისი წესით მათი შესრულების დადასტურების შემდეგ, ქონების შემძენის მოთხოვნით, საჯარო რეესტრში აღრიცხული ვალდებულების რეგისტრაციის ჩანაწერი შესაძლოა შეიცვალოს და ხელშეკრულების 3.2 პუნქტის გათვალისწინებით, ჩამოყალიბდეს შემდეგი სახით: „უძრავი ქონების ტერიტორიის

მხოლოდ სპორტული დანიშნულებით ფუნქციონირებისა და სპორტული პროფილის მუდმივად შენარჩუნების პირობით“. აღნიშნული ჩანაწერი საჯარო რეესტრის სარეგისტრაციო მონაცემებში რჩება მუდმივად და არ ექვემდებარება გაუქმებას.

- 5.17. ხელშეკრულების 3.1 და 3.2 პუნქტებით განსაზღვრული საპრივატიზებო პირობების დარღვევის გამოვლენის შემთხვევაში (სააგენტოს მხრიდან დარღვევად მიჩნევის შემთხვევაში), ან/და ხელშეკრულებით ნაკისრი სხვა ვალდებულებების შეუსრულებლობის და დარღვევის შემთხვევაში, ქონების შემძენი სააგენტოსგან იღებს წერილობით გაფრთხილებას, რომელშიც მიეთითება დარღვევის გამოსწორების ვადა. ამასთან, ქონების შემძენს ეკისრება მე-6 მუხლით განსაზღვრული პირგასამტეხლო.
- 5.18. საპრივატიზებო პირობების ან/და ხელშეკრულებით გათვალისწინებული ვალდებულებების სააგენტოს მიერ დაწესებულ დამატებით ვადაში შეუსრულებლობა და/ან დაწესებულ ვადაში პირგასამტეხლოს გადაუხდელობა, სააგენტოს მიერ განიხილება ხელშეკრულების ცალმხრივად მოშლის საფუძველად.
- 5.19. ხელშეკრულების ცალმხრივად მოშლის შემთხვევაში, ამ ხელშეკრულებით პრივატიზებული ქონება (ან მისი გამიჯვნის შედეგად, ან სხვა უძრავ ქონებასთან გაერთიანების შედეგად წარმოქმნილი უძრავი ქონება, ან ტერიტორიაზე შექმნილი დამოუკიდებელი უფლების ობიექტები) ბრუნდება ქ. თბილისის მუნიციპალიტეტის საკუთრებაში (მიექცევა ქ. თბილისის მუნიციპალიტეტის საკუთრებაში), ხოლო ამ ქონებაზე რეგისტრირებული მესამე პირის (პირთა) იპოთეკის უფლება (უფლებები) უქმდება, თუ აღნიშნული ქონების იპოთეკით დატვირთვამდე საჯარო რეესტრში უძრავი ნივთის შესახებ ჩანაწერში რეგისტრირებულია საპრივატიზებო ვალდებულების (ვალდებულებების) ამსახველი შესაბამისი ინფორმაცია. უძრავი ქონება ქალაქ თბილისის მუნიციპალიტეტის საკუთრებად რეგისტრირდება სააგენტოს მიერ სარეგისტრაციო სამსახურში წარდგენილი წერილობითი მოთხოვნის საფუძველზე, რაც არ საჭიროებს ხელშეკრულების მეორე მხარის ან სხვა პირის თანხმობას. ამასთან, ქონების შემძენს ქალაქ თბილისის მუნიციპალიტეტის მიერ არ აუნაზღაურდება გადახდილი თანხები და გაწეული ხარჯები.

მუხლი 6. პირგასამტეხლო

- 6.1. საპრივატიზებო საფასურის გადახდის ვალდებულების შეუსრულებლობის ან შესრულების ვადის დარღვევის შემთხვევაში, პირგასამტეხლო განისაზღვრება გადაუხდელი თანხის 0,1%-ის ოდენობით, დარღვევის დღიდან ყოველ ვადაგადაცილებულ დღეზე, მაგრამ არანაკლებ 5 (ხუთი) ლარისა.
- 6.2. ხელშეკრულების 3.1 პუნქტით გათვალისწინებული საპრივატიზებო პირობის დარღვევის გამოვლენის შემთხვევაში, პირგასამტეხლო განისაზღვრება: დარღვევის დღიდან ამ ხელშეკრულების შეწყვეტამდე ან/და შესაბამისი საპრივატიზებო პირობის შესრულებამდე, რომელიც უფრო ადრე დადგება, ყოველდღიურად - 100 (ასი) ლარის ოდენობით.
- 6.3. ხელშეკრულების 3.2 პუნქტით გათვალისწინებული საპრივატიზებო პირობის დარღვევის გამოვლენის შემთხვევაში, პირგასამტეხლო განისაზღვრება: დარღვევის დღიდან ამ ხელშეკრულების შეწყვეტამდე ან/და შესაბამისი საპრივატიზებო პირობის შესრულებამდე, ყოველდღიურად - 100 (ასი) ლარის ოდენობით.
- 6.4. ხელშეკრულებით განსაზღვრული სხვა ვალდებულებების დარღვევის შემთხვევაში:
 - 6.4.1. თუ ვალდებულების დარღვევა ერთჯერადი ხასიათისაა და მისი გამოსწორება არ საჭიროებს დამატებითი ვადის დაწესებას, პირგასამტეხლო განისაზღვრება 500 (ხუთასი) ლარის ოდენობით ერთჯერადად;

- 6.4.2 თუ ვალდებულების გამოსასწორებლად განისაზღვრება დამატებითი ვადა, პირგასამტეხლო განისაზღვრება ყოველდღიურად 100 (ასი) ლარის ოდენობით, დარღვევის დღიდან ხელშეკრულების შეწყვეტამდე ან/და ამ ვალდებულების გამოსწორებამდე, რომელიც უფრო ადრე დადგება.
- 6.5. ხელშეკრულების 5.18 პუნქტის მიხედვით ხელშეკრულების ცალმხრივად შეწყვეტის/მოშლის შემთხვევაში, ხელშეკრულების ცალმხრივად შეწყვეტის/მოშლის დღიდან შეწყდება პირგასამტეხლოს დარიცხვაც.
- 6.6. პირგასამტეხლო უნდა ჩაირიცხოს შემდეგ ანგარიშზე:
მიმღები სახელმწიფო ხაზინა: TRESGE22
სახაზინო კოდი: 300773287
(შემოსავალი ხელშეკრულების პირობების დარღვევის გამო დაკისრებული პირგასამტეხლოდან).

მუხლი 7. მარეგულირებელი კანონმდებლობა და დავის გადაწყვეტა

მხარეთა შორის ამ ხელშეკრულებასთან დაკავშირებული ან/და მისგან გამომდინარე ნებისმიერი უთანხმოება ან/და დავა რეგულირდება საქართველოს კანონმდებლობით დადგენილი წესით. დავის მოლაპარაკების გზით დასრულების შეუძლებლობის შემთხვევაში, დავას გადაწყვეტს საქართველოს საერთო სასამართლოები.

მუხლი 8. სხვა პირობები

- 8.1. ხელშეკრულების ყველა გვერდი ხელმოწერილი უნდა იყოს მხარეთა მიერ.
- 8.2. ხელშეკრულება ძალაში შედის მხარეთა მიერ ხელმოწერის მომენტიდან.
- 8.3. ხელშეკრულება შედგენილია სამ თანაბარმნიშვნელოვან ეგზემპლარად, ქართულ ენაზე. ერთი ეგზემპლარი წარედგინება საჯარო რეესტრის ეროვნული სააგენტოს სარეგისტრაციო სამსახურს (მარეგისტრირებელ ორგანოს). თითო ეგზემპლარი გადაეცემა მხარეებს.
- 8.4. პრივატიზების საგანზე ქონების შემძენის საკუთრების უფლების საჯარო რეესტრში რეგისტრაციის მიზნით, სავალდებულოა, სსიპ - საჯარო რეესტრის ეროვნულ სააგენტოს, ხელშეკრულების გარდა ასევე წარედგინოს საკუთრების დამადასტურებელი მოწმობა.
- 8.5. ხელშეკრულებაში ნებისმიერი ცვლილება ან/და დამატება შეიძლება მხარეთა შეთანხმებით.

სსიპ - ქონების მართვის სააგენტო

ა(ა)იპ - საქართველოს რაგბის კავშირი
